

«Jүрүмис ле ижибис» деп иштин тетрадинин источниктери

КҮЧҮРГЕН АЙ 2—8

КУДАЙДЫН СӨЗИНДЕГИ ЭРЖИНЕЛЕР | ЧЫГЫШ 39, 40

«Моисей башкартуларды чике бүдүрген»

(Чыгыш 39:32) Анайып агару байканнын, ол эмезе жууннын байканынын, ончо иштери божогон. Иегова Моисейге канайып жакарган, Израильдин уулдары анайып ла үзе эдип салган. Шак ла анайып омор эдип салган.

(Чыгыш 39:43) Моисей ончо ишти айкаптап, омор Иегова канайып жакарган, анайып ла оны эдип салганын көргөн. Шак ла анайып омор эдип салган. Онон Моисей оморды алкады.

(Чыгыш 40:1, 2) Онон Иегова Моисейге айтты: ²«Баштапкы айдын баштапкы күнинде агару байканды, ол эмезе жууннын байканын, тургузып сал.

(Чыгыш 40:16) Моисей, Иегова ого канайып жакарган, анайып ла үзе эдип салган. Шак ла анайып ол эдип салган.

Ич-көгүс эржинелер бедирейдис

(Чыгыш 39:34) кызыл өнгө будылган койдын терезинен эткен жабынты, тюленьнин терезинен эткен жабынты, бөлүп турган көжөгө,

(Чыгыш 40:34) Ол тушта булут жууннын байканын бүркеп ийерде, Иегованын магы агару байканды толтырып ийген.

КҮЧҮРГЕН АЙ 9—15

КУДАЙДЫН СӨЗИНДЕГИ ЭРЖИНЕЛЕР | ЛЕВИТ 1—3

«Тайылгалардын амадузы»

(Левит 1:3) Онын тайылгазы бүдүнге өртөөр жоон малдан болзо, жек жок эркек малдан экел-

зин. Ол оны бойынын күүниле жууннын байканынын эжигине экелип, Иегованын алдына тургуссын.

(Левит 2:1) А та кем де Иеговага калаштан берү эдер күүндү болзо, онын берүзи эн артык кулурдан болор учурлу, оны экелип жаткан кижиге ого үс уруп, ладан салзын.

(Левит 2:12) Оморды Иеговага баштапкы түжүмнен берү чилеп экелигер, же тагылга оморды жараш жыт эдип өртбөгөр.

(Левит 3:1) Онын тайылгазы амырдын тайылгазы болуп, жоон малдан болзо, ол Иегованын алдына жек жок тынду экелер учурлу.

Ич-көгүс эржинелер бедирейдис

(Левит 2:13) Берү эдип экелген калашты тузап тур, ол тус жок болбозын. Бу калаш сен ле Кудайын ортодо жөптөжүни эске алындырат. Кажы ла берүле тус экелип тур.

(Иезекииль 43:24) Оморды алып, Иегованын алдына тургузып сал, абыстар оморды тузап, Иеговага бүдүнге өртөөр тайылга эдип экелер.

(Левит 3:17) Бу жасак слерге ле бала-баркагарга, бастыра айыл-юрттараарга жажычакка берилет: кандый да жууны ла канды жибегер“».

КҮЧҮРГЕН АЙ 16—22

КУДАЙДЫН СӨЗИНДЕГИ ЭРЖИНЕЛЕР | ЛЕВИТ 4, 5

«Иеговага эн артыгын берип тур»

(Левит 5:5, 6) Бу ончо неменин кажы бирүзінде ол бурулу болзо, неде кинчек эткенин айдып берзин. ⁶ Эткен кинчеги учун Иеговага тайылга эдип, үүрден жаш тижи кой эмезе эчки экелзин. Абыс оны алып, кижинин кинчеги учун тайылга экелер.

(Левит 5:7) Кижиде эткен кинчеги учун кой экелер аргазы жок болзо, Иеговага тайылга эдип, эки күүлечек эмезе эки күүле экелзин: бир күүлени эткен кинчеги учун, экинчизин бүдүнгө өртөөр тайылга эдип.

(Левит 5:11) Кижиде эки күүлечек ле эки күүле садып алар аргазы жок болзо, кинчеги учун тайылга эдип, эн жакшы ефа кулурдын онычы бөлүгүн экелзин. Тайылгазына үс урбазын ла ладан салбазын, ненин учун дезе бу кинчек учун тайылга.

Ич-көгүс эрјинелер бедирейдис

(Левит 5:1) Кем-кем кандый бир кижинин кинчегин угала эмезе көрөлө айтпаган болзо, андый кижиде бойынын кинчеги учун каруузына турар учурлу.

(Левит 5:15, 16) «Кандый бир кижиде Иеговага учурлалган агару не-немелерге удур билбей калып кинчек этсе, эткен кинчеги учун Иеговага тайылга экелзин. Андый кижиде кинчеги учун тайылга эдип, үүрден јек јок куча экелзин, баазы мөңүн сикльдарга, агару јердин сикльдарына, келижип турзын. ¹⁶ Ол агару јерге удур кинчек эткени учун төлөп, бого бејинчи үлүзин кожуп, онын ончозын абыска берзин. Абыс онын кинчеги ташталзын деп, кучаны тайылгага экелер.

КҮЧҮРГЕН АЙ 23—29

КУДАЙДЫН СӨЗИНДЕГИ ЭРЈИНЕЛЕР | ЛЕВИТ 6, 7

«Быйанаарды јетирип туругар»

(Левит 7:11, 12) Иеговага амырдын тайылгазын экелери аайынча јасак мындый. ¹² Кандый бир кижиде оны быйанду болгонынан улам экелзе, быйанду болгонынын тайылгазыла кожо үс кожуп белетеген ачытпаган калаштар, үсле сүркүштеп салган ачытпаган теертпектер ле эн артык кулурдан ла үстен, жакшы тудуп салган тестеден белетеген калаштар экелзин.

(Левит 7:13—15) Ол бойынын тайылгазын ла быйанду болгонынын тайылгазы эдип, амырдын тайылгаларын ачыткан калашла кожо экелзин. ¹⁴ Тайылгага Иеговага агару үлү эдип, кандый ла быжырылган калаштан бирден алып экелзин. Бу дезе, тагылды амырдын тайылгаларынын каныла сүртүп турган абыстын болот. ¹⁵ Быйанду болгонынын тайылгазы эдип берилген амырдын тайылгаларынын эдин ол ло күнде јиир керек. Эртен турага јетире онон не де артпазын.

(Левит 7:20) Бойын та неле де быјарсыткан кижиде Иеговага белетеп салган амырдын тайылгазынын эдин јизе, андый кижини албатынын ортозынан јоголтып салзын.

Ич-көгүс эрјинелер бедирейдис

(Левит 6:13) Тагылдагы от јаантайын күйүп, өчпөс учурлу.

(Левит 6:25) «Ааронго ло онын уулдарына айт: „Кинчек учун тайылга јанынан јасак мындый: кинчек учун экелген тындуны Иегованын алдына, бүдүнгө өртөөр тындуларды сојотон јерге сојор керек. Бу сүреен агару болот.

КҮЧҮРГЕН АЙ 30 — ЈАНАР АЙ 6

КУДАЙДЫН СӨЗИНДЕГИ ЭРЈИНЕЛЕР | ЛЕВИТ 8, 9

«Иегова керсү кулды јарадат деп кайдан билерис»

(Левит 8:6—9) Моисей Ааронды ла онын уулдарын экелип, оларды суула јунунзын деп јаркаган. ⁷ Онын кийнинде ол ого узун чамча кийдирип, курла курчап берген. Анайда ок јен јок платье ле ефод кийдирип, ефодтын курыла ефодты тыныда курчап берген. ⁸ Онон ол ого төштүк кийдирип, төштүкке урім ле туммим салып койгон. ⁹ Онын кийнинде ол онын бажына тюрбан кийдирип, тюрбаннын алды јанына јылтырууш алтын пластина тагып сал-

ган — бу Иегова Моисейге јакарганы аайынча учурланганынын агару темдеги.

(Левит 8:12) Учунда ол майлайтан майдын жа-рымын Аароннын бажына уруп, оны агару-лаарга майлап салды.

(Левит 9:1—5) Сегизинчи күнде Моисей Ааронды, онын уулдарын ла Израильдин ак-сагалдарын кычырып, ² Ааронго айтты: «Кин-чек учун тайылга эдип, бойына бозу ла бүдүн-ге өртөөргө куча ал, экилези жек жок болзын. Олорды экелип, Иегованын алдына тургус. ³ А Израильдин уулдарына айт: „Кинчек учун та-йылга эдип, теке, бүдүнге өртөөргө жек жок, бир жашту бозу ла куча алыгар. ⁴ Анайда ок буканы ла кучаны амырдын тайылгазы эдип, Иегованын алдына экелигер. Бого коштой үс-ле булгап салган калаш экелигер, ненин учун дезе бүгүн Иегова слерге көрүнөр“». ⁵ Моисей жууннын байканына нени экелзин деген, олор ончозын экелген. Онон бастыра албаты келип, Иегованын алдына турган.

(Левит 9:23, 24) Моисей ле Аарон жууннын байканына кирип, анан чыгып келеле, алба-тыны алкадылар. Ол тушта бастыра албатыга Иегованын маги көрүнген, ²⁴ Иегованан от тү-жүп, тагылдагы тайылганы ла жууны жууда салып ийген. Ончо албаты мыны көрүп, кыйгы-рыжып, көнкөрө жада түшкен.

Ич-көгүс эржинелер бедирейдис

(Левит 8:6) Моисей Ааронды ла онын уулда-рын экелип, олорды суула јунунзын деп јакар-ган.

(Левит 8:14—17) Онон ол кинчек учун тайыл-га эдип бука экелген, Аарон ло онын уулдары кинчек учун экелген буканын бажына колдо-рын салгылады. ¹⁵ Моисей буканы өлтүрүп, онын канын алып, сабарыла тагылдын мүүс-терин ончо јанынан сүртүп ийди, анайып та-гылды кинчектен арутап салды, арткан канды

тагылды агарулаарга, онын төзине төгүп ий-ди. ¹⁶ Мынын кийнинде Моисей буканын ичи-буурындагы ончо жууны, анайда ок эки бөөрө-гин жуузыла кожо алып, тагылга өртөп салды. ¹⁷ А буканын терезин, эдин ле богы-јинин Ие-гованын Моисейге јакарганыла, лагерьден туура апарып, өртөп салган.